

A FIN QVE QUELQUES

PAGES NE DEMEVRASSENT BLAN-

ches, nous auõs ici adiousté deux let-
tres familiares du seruiteur de Dieu,
à ses deux grands amis M. Guillaume
Farel & Pierre Viret.

A MON TRESCHER FRERE ET

singulier ami M. Guillaume Farel, fidele Ministre de
Iesus Christ, Pasteur de l'Eglise de Neufchastel.

Combien que N. s'est tellement gou-
uerné par deça, & aussi a acquis si bõne
reputation enuers moy particulieremēt,
qu'il meriteroit que ie luy donnasse vn
bon tesmoignage tout au long: toutes-
fois pource que ie voy q̄ ce seroit chose
superflue en vostre endroit, ie m'en de-
porteray. Je n'ay pas peu encore biē en-
tendre à quelle charge vous l'avez desti-
né. Mais cependant ie desire qu'elle soit
telle, que ce soit pour l'auancer plustost
que le retarder. Car si nous voulõs bien
pouruoir aux profits de l'Eglise, il nous
faut appeller à l'office de Pasteurs tels
gens, qu'ils puissent quelque iour sou-
stenir la charge apres nous. Cõbien que
ie soye ieune, toutesfois quand ie voy
ma debilité & indispositiõ de mõ corps,
i'ay